

## اللقاء الصعب 31 - تحلية مع قدوتنا الصديق

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واهشهد ان لا اله الا الله وحده لا شريك له واهشهد ان محمدا عبده ورسوله. وبعد من السجن الى القصر - 00:00:00

وكذلك مكنا ليوسف في الارض يتبوأ منها حيث يشاء نصيب برحمتنا من نشاء ولا نضيع اجر المحسنين توافقنا بالامس عند قول يوسف اجعلني على خزائن الارض ليه؟ اني حفيظ عليم - 00:00:18

وي يوسف لما وجد المكان عند الرجل ويما غلب على ظنه انه سيستعمل فاختار المكان الذي يستطيع ان ينفع الامة فيه وهذا الامر قلنا ان الانسان ما فيش مشكلة ان هو يطلب - 00:00:45

ان في حاجة هو يسددها او آآيتمكن منها حتى يسد ثغرها اذا غلب على زنه ان ممکن اللي يكون مكانه واحد فاسد فيقول انا ممکن اشيل الموضوع ده. انا ممکن الفلوس تكون معي. انا ممکن انا اللي ايه؟ اقوم بالموضوع ده لنفع الناس - 00:01:05

في يوسف قال اجعلني على خزائن الارض. وهذا امر الله! صار هو الامر الناهي بعدهما كان ايه؟ في السجن منبوزا بدأ يولد عنی وكذا وكذا اني حفيظ عليم واتكلمنا في الموضوع دوت ونضيف - 00:01:27

الانسان عما يأمر او ينهى او يطلب شيء يذكر دايما العلة يعني لين وده مهم جدا في الامور التربوية كان كثير من الآباء يمنع ابنه. يقول له لأ في فرق بين المنع والمناعة - 00:01:45

المنع ده انك تقول له لأ لا تفعل كذا وكذا تأخذ منه الموبايل عاوز العب كورة ما فيش كورة انا عاوز اخرج مع ولاد خالتى لأ ما فيش خروج مع - 00:02:05

مرات خالتك دايما ده بيりبي ايه المنع فمجرد ما نختفي ايه اللي يحصل يروح يلعب وي عمل كل حاجة ليه؟ لأن اتربي على المنع لا المناعة المناعة دي ان تكون هي خلق ذاتي داخله - 00:02:15

طيب احدى الاسباب التي ينبغي ان يستعملها المربي والمعلم حتى يأتي بالمناعة وما يريبيش على المنع انه اذا منع لا يمنع الا الدليل او بديل بدليل او بديل انت منعه من الموبايل - 00:02:33

تقول له لا ما فيش دخول على النت طيب في بديل ان انا اقضى وقتى بحاجة انا حاببها وتجزبني في رياضة في سباحة في اي حاجة انت شاغلني بها لأ - 00:02:56

طيب بسبب لأ طيب هي ليه يا حاج؟ هي كده عاوز اعكتن عليك عمال انت تمسك الموبايل مين يلعب بابجي انا عاوز العب فهو الولد بعد شوية هيدأ يشوف ايه - 00:03:10

لان الموضوع ماشي هنا ايه لا هو منع بببدأ ما يصدق ان يبعد عنك ولذلك دايما هؤلاء الاهالي والبيوت دي دايما خايف على ابنه عما يسيبه يقول لك لا الولد ده انا ما ينفعش اسيبه في البيت لوحده - 00:03:26

ما ينفعش يا حاج ليه ما ينفعش؟ ده في تانية اعدادي دلوقتي. ما ينفعش يخرج لوحده. ليه؟ انا عارفه ده ابني وانا اللي عارفه. ده لو طلع والله ليه؟ ليفجر امامه - 00:03:45

اوليها يفجر امامه اني لم اغرس في هذا الخلق ابتداء يقول يوسف اني حفيظ عليم وكذلك مكنا ليوسف. الله الله دايما القرآن يبهرك ويرحل بروحك لتشاهد نور السماء شف وانت مشغول بالقصة وحالك ايه - 00:03:56

ما تنساش مازا فعلنا نحن لهذا الرجل؟ دايما يشهدك الله اثار رحمته انه يقول لك خلي بالك شف اسار الرحمة وفي التمكين شف كذا

فدياما ياخد قلبك عشان تشوف النور - 00:04:21

وكذلك مكاننا نحن الذي مكاننا جعلناه ممكنا. فاكرين مكاننا شو الاولى؟ مكاننا في القلوب. والآن على الأرض وكذلك مكاننا ليوسف في الأرض في فرق كبير بين الجملة ديت وبين لو قلنا وكذلك مكاننا ليوسف يتبعها او يتبعوا - 00:04:37  
من الأرض او يتبعوا عموما حيث يشاء او مكاننا ليوسف نصيب برحمتنا من نشاء في فرق يفرق منها ان الله يريد من قلبك ان يرى اسر رحمته سبحانه وتعالى على عباده اذا من عليهم - 00:05:06

فيقول الله لك ويغزى قلبك ضاقت عليه الأرض يوما ما كانش فيه سجن كان قاعد ما فييش مكان عارف يلمه. كان في قبره هو يا عيني صغير مش عارف يقعد في القبر بتاعه - 00:05:31

ده الوقت الدنيا اتغيرت خالص ضاقت عليه الأرض يوما من الأيام في بئر او سجن والآن يتبعها حيث يشاء يتبعوا اي كسير التحرك وسط الناس ولنستفيد منها ان اهل الولايات اللي بيكون ماسك ولاية ولا حاجة ينبغي ان يكون بين الناس ولا على الناس - 00:05:47  
كن بين الناس فضلا يكون مش مختفي عن الناس يقول لك عاززين نقابل الوزير نقول له ايه الموضوع ده هتقابل الوزير! ده انت لو قابلت يعني بباب الوزير ببقى انت كده ان شاء الله من الذين ايه - 00:06:17

يعني يحلقون فسبحان الله يحجبون عن كان عمر عبد العزيز اليوم الليولي في الخلافة زوجته تقول في اول ما ولி الخلافة دخل بيته وأغلق على نفسه حجرة وظل يبكي بكاء مريرا - 00:06:36

هم اول ما ولی الخلافة قالوا له تعال عشان تسويه على القصر فرفض ان يدخل القصر ثم عاد الى بيته ودخل حجرة وبكى فدخلت عليه زوجته وقالت ما يبكيك؟ مين في اللي مضايتك - 00:06:55

فقال لها بقى ان هو تذكر الرجل الضعيف الرجل الهرم الكبير والارملة واليتيم اذا اتوا الي فحجبوهم هؤلاء عنى فماذا انا قائل لربى غدا بقول لهم انا لو دول الارملة جاية لي تسألني في حاجة. والعساكر دول والناس دي حراس حجبوهم عنى - 00:07:13  
ما انا مش انا مش اربعه وعشرين ساعه هعرف اتواصل مع الناس واحد معدى من القصر عاوز اقابل عمر يلا وعمال يحجبوا ايه الناس عنى طيب دول انا هقول لربنا ايه - 00:07:40

كده احيانا يصرف الله عنك هموم الولايات وهموم انك تدير حاجة وانك تمسك حاجة وانت تبقى مسكين وتقول الله المستعان ده تدبروها بليل وشالوه والله نعم الشيلة هذه الشيلة لان كان هيشيل شيلة - 00:07:56

ويتحاسب على كل هؤلاء. يعني مصر مسلا تسعين مليون تسعين مليون دماغ وتسعين مليون ما بين هموم وغموم ومذلوم وزالم وفاسد ومصالح هيبة واللي اتضحك عليه واللي مذلوم في مش عارف الكهربا واللي مذلوم في وصل نور شف حاول تتخيل كده - 00:08:15

ويجي يوم القيمة اللي مسؤول عنهم تعالى تحاسب عالتسعين مليون تبقى بتاع تالتة سانوي اللي اترف التنسيق ده من ضمن الناس اللي داخل معه هنبدأ من هنا لأ ده احنا هنبدأ من الحضانة كمان - 00:08:42

اللي كان ما بيعرفش ياخد تعليم كوييس عشان ابن الباشا دخل وهو ما دخلش لان باباه ما كانش باشا. ما باش لكن ده والده باش وهكذا كل دول يلا عشان تتحاسب عليهم - 00:08:59

ده انت ايه بقى! ده انت لو كنت ابو بكر الصديق يشير الله بها عليم. فما بالك بقى لو انت ابو جهل هتقابل ربنا وتقول له ايه الشيلة دي مش سهلة خالص - 00:09:14

يعني مش انكم تحرضون عليها فتحرسون على الولاية وانها لخزي وندامة يوم القيمة النبي صلى الله عليه وسلم يقول لنا كده هي خزي وندامة يوم القيمة مش حاجة حلوة كله يجري عليها - 00:09:27

يوسف يتبعها منها. كثير التحريف وقالوا فيها اشاره الى وصول سلطانه. سلطان يوسف الى ارجاء مصر كلها بقى شف يتبعها حيث يشاء ده بقى ويروح الصعيد ويروح مش عارف فين ويروح فين ويروح فين خالص البلد كلها بقت ايه - 00:09:45  
مع وشوفوا كلمة ايه في الارض وده اللي اتكلمنا فيه امس ان من ملك خيرات مصر ملك خيرات الارض وكذلك مكاننا ليوسف في

الارض. انت ممكن تستعجب من الجملة دي بتاعة القرطبي دي. هي خيرات مصر ايه ومش ايه والكلام ده كله - 00:10:06  
اي واحد فاهم يقول لك البلد دي يعني كانوا بيحكوا على بعض الرؤساء اللي كان جايب ارضي كان عنده حاجة كده ايه بتاعه صفر  
فكأنوا بيسأله بيقولوا له مين اغنى بلد في العالم؟ كان يقول لهم مصر. ليه؟ بتتسرق من ايام النكسة - 00:10:26  
ولسه فيها خير فالراجل بيقول لك ايه ده نaima على بحر من الخير سبحان الله قولوا مصر ان شاء الله امنين وكذلك مكنا ليوسف في  
الارض يتبوأ منها حيث يشاء - 00:10:43

نصيب برحمتنا نصيب اصابة الرحمة تصيبك. نسأل الله ان يصيّبنا من رحمته سبحانه وتعالى من نشاء. مش نصيّبه برحمتنا يوسف. لأن  
من نشاء وفيها افاده ان رحمة الله ليست خاصة - 00:11:02

الانبياء فقط وليس خاصة بالصديقين فقط لا رحمة الله ما كنت نالك انت ايه العبد الفقير الترابي. انت شايف نفسك انك مسكون  
وبتاع لا وانا فين ودول فين؟ لا رحمة الله - 00:11:24

الك لأن رحمة الله وسعت كل شيء قال لي اخوه يوسف واحنا بنقرأ القصة ومش عارفينها يغلب او خطر على عقولنا او قلوبنا  
ان هم هم بيرموه في البير - 00:11:39

كانوا بيركبوا محطة التمكين هل كان في حد ممكن يخطر على عليه وهو بيترمي في البير كده استلم الطريق ركب المحطة او واحد  
يقول لك رايح اسكندرية بيركب المحطة اول ما يركب المحطة خلاص وهيوصل اسكندرية - 00:11:59

هو كان محطة يوسف انه يترمي في البير لا يمكن العبد الا بعد ابتلاء. دي سنة يا جماعة سنة في الحياة حتى اهل الطرف والدنيا بقى  
خد يا عم انت - 00:12:15

انت ما شاء الله وكتت طلعت الاول على الدفعه ازاي؟ يقول لك ايه؟ والله اتحرمت من الكورة وعرفت انفوج على كاسر امور وما  
عرفت اخرج مع البنات ومعرفته وكانيه تقول لي يلا نخرج قال لها معلش عندي امتحان بكرة - 00:12:30

ضحيت كتير فتلاليه ضحي وترك وابتلي في الاوقات وابتلي في كل حاجة. بس عشان ينجح حتى ما بيقدعوا مع رقاقة قطعت  
شوط وخدتي يعني او سكار ولا حاجة يقول لها ايه احك لنا قصة ايه - 00:12:44

كافاحك كافحت حتى اهل الدنيا في الاخر في تعب النهاردة محمد صلاح الشباب كلهم يقولوا لا بس خلي بالك في عز ما كان الكل تايه  
والكل ضايع هو مركز على هدفه وضحى - 00:13:00

و عمل وسوى عشان يصل ليه احنا في زمن ما فيش حد بينجح من الصالحين الا ويعني ويمنعوه. فبقيت ناس عمالة تدور على حد  
ناجح. يا عم ما تشوف لنا اي حد حتى لو مغني نقول عليه - 00:13:18

يعني نقول اهو دي واحد نجح اهو فالناس بقت بتضرب الامسلحة بميin؟ بلعبة الكورة الفنانين وبتاع والكلام ده كله. واحد من يومين  
ثلاثة. المهم يعني من فترة كده بسمعه بيتكلم في الناجحين. قال لك محمد رمضان - 00:13:33

هادي واحدة ما كانش بطجي وركز وشف وصل فين. وبدأ بيعمل افلام فيها بطجيه وغير في جيل كامل. هو فين النجاح الان ربنا  
يتوب عليه. ما هو فيه ناس يا جماعة ممكن تيجي يوم القيمة وتكون ناجحة - 00:13:46

فرعون كان ناجح اه طبعا يقضوا مقومه يوم القيمة. يعني ايه يقدم قومه؟ يعني برس يعني ده في الدنيا والآخرة هو اللي ايه؟ وشن  
القفص هو اللي بيسحبهم كده ايه اوردهم النار - 00:14:02

يعني يروحوا هم يخشوا وراه زي ما كانوا في الدنيا هو ساحبهم. فده كان ناجح؟ اه ناجح بس القيادة فين؟ قيادة تؤدي الى النار.  
والعياز بالله فترجع ان اي واحد في الدنيا لابد ان ايه؟ بتع - 00:14:21

عشان يهدى لشيء. كذلك اهل الدين نصيب برحمتنا من نشاء ولا نضيع اجر المحسنين. اثر الاحسان. قلنا جربه لن اقع ابدا لو كتت  
محسنا. سبحان الله! تموت واقف! دايما المحسنين يموتوا واقفين. يعني ايه يموتوا واقفين؟ يعني يموتوا موتة - 00:14:34

يفتخرون بها ولا اجر الآخرة. ده اللي كان في الدنيا. امال بقى اجر الآخرة في البلاء ايه؟ ده موضوع تاني خالص انت بتشويفوا اللي  
بيحصل في سوريا وبيشوف وبيحصل لل المسلمين في كل اماكن وفي غزة وفي كل دول العالم. وشوفوا البهدلة والتشريد والكلام ده

انك يجي لك حاجة زي كده تحب انك تكون مشerd وابنك في تركيا مراتك غارقة في الماية وبيتك اتهد ومش عارف ايه.انا احد اعرف احد الاسريةاء في في سوريا هو صديق والدي - 00:15:19

لما حدست الاحداس والكلام ده وهو كان صديقه في السياحة يعني كان راجل عنده اربع شركات سياحة فين؟ في سوريا وكاب من عليه القوم خالص فيعني بنكلم الوالد اما تكلم صاحبك ده وتخليه بييجي - 00:15:31

ونشوف له سكن وبتاع ورجل خاصة كان فيه صدقة يعني فيبيتصل بي في بداية الاحداث عاوز يقول له انا عندي بيت مش عارف  
ايه وتعال وربنا يعوض عليك وكده قال له والله خلاص احنا دلوقتي الحمد لله اانا لقيت - ٠٠:١٥:٤٧

قيمة في الاردن واحنا قاعدين دلوقتي فين في اراضي اللاجئين في الاردن والحمد لله ربنا ساترنا وبتاع ده كان عنده اربع شركات سياحة وراجل ما شاء الله وكان فى يوم فى عشية وضحاها راح كل شيء - 00:16:04

نَسَأَلُ اللَّهَ السَّلَامَةَ فَشُوْفَ سَبْحَانَ اللَّهِ أَنَّ التَّغْيِيرَاتِ دِيَتْ وَالْحَاجَاتِ دِيَتْ الْإِنْسَانَ لَازِمٌ يَقْفُ مَعَهَا وَلَا إِجْرَهُ لَآخِرَةٍ كُلُّ الَّذِي أَنْتَ بِتَشْوُفِهِ  
دَهْ فِي الدُّنْيَا دَهْ حَاجَةٌ لِكُنَّ الْآخِرَةَ حَاجَةٌ تَانِيَّةً فَدِيَمَا نَقُولُ أَنَّ الْمُحْسِنَ لَنْ يَقْعُ يَمْوَتْ وَاقْفَ - 00:16:24

ولا يموت ابدا وهو ايه كده فطيس زي ما بيقولوا لا يوفق في حسن ختام دايما يوفقه الله عز وجل في حسن الختام طيب اهل الدنيا  
اللي جبتووا له دول اللي هم في زي سوريا واحنا بنقول ما فيش حد اصلا يحب قوي ويحصل كده.انا باقول لك انت في يوم من الايام

قال له عادوا الى الدنيا فاقرضا بالمقاريض جابوا كده حديد وكان ماشات ودانهم يقطعوا فيهم حتى يصبروا فينالوا اجر مسل اجر هؤلاء الله الله طبعا احنا امهم بـ فـ الدنيا احنا نسأـ الله العفة والعافية - 00:17:21

لكن عاوز اقول لك في الآخرة اما نشوف اهل البلد هياخدوا ايه كله هيتمنى عشان كده ربنا يقول ولا يجر الآخرة اللي انتم شفتوه ده  
ولا حاجة اللي يستنى بحسب ما اح حاجة تانية خالص - 00:17:40

والاجر الاخرة خير للذين امنوا واتقوا ولا و كانوا يتقوون كانوا ده خلاص الایمان جه مرة واحدة البداية جه خلاص هو  
اسلم و خلاص، لكن الله يزود الایمان التقوى.. ففي تقوى، كما يوم كا يوم بالازات تقوى، كما يوم بزداد تقوى.. وكماها - 00:17:55

تقول وجاء اخوة يوسف المفترض في حاجات في الوسط كده حصلت وبعد كده بقى وفي يوم من الايام واللي حصل وجاء اخوة يوسف. طب هم عاوزين طعام ليه؟ مش، مفترض، الرؤبة - 00:16:18

ان احنا اول سبع سنين فيه خير وبعددين سبع سنين في قحط وهم جم دلوقتي ليه هم حصل فيها -  
الخبر جايين في سنوات القحط. طب معنى، كده ايه؟ ان القرآن يسيك وما يحكىلكش، سبع سنين الله حصل فيها -  
00:18:36

ويؤرث بقى ومش عارف ايه والي حصل والي مش القرآن لا يحكي لك الا ما يفيدك قصص الكتير اللي ما لهاشى احنا ده ميزة القرآن عن الایه ؟ عن الفالام . بعض الناس عاوز يتعامل مع قصة القرآن زي قصة الفالام . هو في المسسل - 00:18:56

ايه اللي بيحصل ان لازم البطلة ديت مين هيتجوزها اهو لازم المخرج مش هيسيب المسلسل كده يسيبك انت تكون يعني الحاجة. هو  
لازم يسيب لك ايه؟ حته كده في الآخر يعملها - 00:19:15

عشان كده احنا بنتعامل احيانا مع القرآن بعقلية المسلسل فقاعدinin كل شوية. هو يوسف اتجوزها ولا ما اتجوزهاش يا حاج احنا مش في مسلسل احنا مش بنحرق سليمان اتجوز بلقيس ولا ما اتجوزهاش - 00:19:29

يا اسطى هي هو شاغلاني خالص طب هي راحت فين؟ طب وانت ما لك راحت فين ولا مش راحت فين؟ انت تقف مع القصة والذى  
اراده الله ان يوقف قلبك معه - 00:19:45

اه اصل انا متابع المسلسلات الايرانية وكان المسلسل قال ان هي اتجوزته اه انا فاكرك بتقرأ في التفسير والقرآن اه يعني انت ماشي

يعني في انها خلاص بقى خل الحاجة ايه - 00:19:56

اللي علتك ولا اتفرجت عليها ديت هي اللي تفهمك. لأن القرآن يتلاشى ويتسافر بقلبك الى الذي ان مواطن النور تدخلك الايه؟ القصص اللي ما لهاش لازمة دي. يعني واحد يقول لك ايه؟ آآ رحنا وخطبنا ففتح فدخلنا - 00:20:09

ايه خطبنا ففتح فدخلنا ايه ايه الكلام ده؟ طب ما الطبيعي ان يقول لك رحنا وقعدنا معه ليه تحكي التفاصيل دي كلها؟ ما تحكيهاش الا لو انت ايه عاوز منها مغزى صح - 00:20:28

ولكن لو حكيتها وما فيش منها مغزى الناس تقول لك ايه؟ يا عم انجز يا عم يا عم ايه الكلام ده! والقرآن هو ارقى لغة فلزلك لا يحيكي الشيء التقائي الا لعلة - 00:20:42

واضح فالاحاديث المفصلية فقط يعلق عليها القرآن. وجاء اخوة يوسف كم واحد جه مم. كم واحد جه؟ ما يقولكش العدد عشان انت ايه تسأل نفسك كم واحد جه يسيبيك؟ يقول لك انت هتعرفها دلوقتي - 00:20:58

لما هو يتكلم معهم وهم كانوا حدasher مهد يوسف وشافح وادي حدasher صح طيب هتعرف دلوقتي اللي جم كم واحد اه يبقى عشرة طب ما القرآن يقول لك وجاء العشرة اخوة يوسف وبعدين قال لهم هاتوا اخوكم - 00:21:18

لأ يسيبيك القرآن انك ايه تستنبط العشرة دي لوحدك كده فيعطيك اضاعة وانت تكمل لوحدك. وجاء اخوة يوسف فدخلوا عليه دخلوا عليه يبقى الرجل ده كان فين؟ هو عارفهم دلوقتي هو هم هو كان عارفهم - 00:21:37

ناس جاية وكده كون ان يوصلوا له معناها ايه ان وزير المالية في الوقت ده والراجل شبه اللي بيتحكم ده دلوقتي في خطة البلد كلها سهل جدا انك تبسيط له - 00:21:57

فدخلوا عليه يعني بسهولة جدا يروحوا له فدخلوا عليه. والحاجة الثانية ان الانسان عما يكون يا جماعة مكلف بشيء مهم جدا يشرف عليها بنفسه تقول له انت تعرف ان الكوبري وقع؟ كوبري ايه - 00:22:11

الكوبري بتاعنا اللي احنا لسه عاملينه ده ازاي يا حاج دواعي من اسبوع بالله اصله كان حصل فيه كزا واحنا قلنا لهم يرفعوا طب ما عملوش ليه؟ اهو التحجي انت ما كنتش خلاص في المشهد - 00:22:28

اما اسمك المشرف رحت قطعت الشريط وبالمقص وبتاع لا لا الانبياء هنا يعلمونا حاجة تانية. يشرف عليه بنفسه عشان كده ايه؟ سهل جدا هو عمل خطة وقال لهم احنا هنعمل السبع سنين هنا والسبع سنين هنا في اشراف يبقى في اشراف بالنفس. والمتابعة والدقة - 00:22:44

فدخلوا عليه فعرفهم قريت زكريات في ذهنه عارفه عارفهم بقى. طب هو عرفهم ازاي؟ وهم له منكرون. هم مش عارفيتهن. ازاي قال لك لأ وهو يوسف لما دخل البئر كان صغير - 00:23:05

فماممحه تغيرت طالما كبر لكن هم كانوا كبار فما لمح ملامحهم ما زالت ظاهرة اعرفهم فاكرين بقى لتبينهم بامرهم هذا؟ اه اعرفهم اه وهم له ايه منكرون. هم لسه ايه؟ لا مش يعرفوه اوبي. سبحان الله - 00:23:22

ولما جهزه طبعا هم جمهور وقالوا ايه؟ ويوسف تكلم معهم كما في كتب التفسير وبدأ يتعرف عليهم. طب يوسف عاوز ياخذ منهم معلومات وما ينفعش يروم. ما هو انت ولاد يعقوب - 00:23:48

هو مين ده؟ وعرفنا انت مين انت يقلقو طيب هو هي عمل ايه دلوقتي؟ يوسف عليه السلام بدأ يدردش معهم فقال لهم انت مين يمكن انت جواسيس وجایین هنا مش عارف تسرقوا ولا بتاع - 00:24:02

قالوا له لأننا لا جواسيس ولا حاجة ده احنا ولاد ونبي قالوا له اسمه ايه؟ قال يعقوب علوهم عنده كم ولد؟ قال احنا وانتم عندكم كم ولد؟ قال له احنا كلنا ولينا اخ من ابينا. ولنا اخوة ومش عارف ايه والكلام ده كله فسابهم - 00:24:22

عشان بعد كده هبروح مستعمل المعلومات دي فاما ييجي يستعملها سبحان الله! اولا يوسف يعلمنا قد ايه القدرة على عدم التشفي دي منزلة عالية جدا. يعني رموه في البئر وبهملوه وال فقد والمرارة بعد عن الوالد. كان ممكن يقول له ايه؟ اقفل الباب -

00:24:42

صح وبيأ بقى ايه؟ السلك العريان ينزل عليهم لكن لا يوسف عنده قدرة عالية جدا انه يمسك نفسه عن الانتقام. ودي يا جماعة قل من الناس من يحسنها تبقى في وسط البيت كده وبينك وبين الزوجة ولا اختك ولا حد في البيت ولا في النقاش في الجامع ولا في الجامعة ولا في الشغل - 00:25:06

وانك تكون عندك ايه تبات انفعالي عالي قوي كده ويوف بدأ يحط رؤية هي عملها والرؤية ديت ايه بقى لا ما يحرقش فيها مراحل في واحد يقول لك بص انا هخليه ايه ان شاء الله هننظبطها دلوقتني. احنا خلهم هيعرفوا - 00:25:31

فيجي مسلا يعمل اول خطة او لسه وهو بيتكلم معه ويلاقيها على السقط شوية. بص احنا عارفين كل حاجة من الآخر. حرق الدنيا الله يهديك يا أخي لكن يوسف لا - 00:25:49

دايما الناس الراسية كده شوفوا اخت موسى فبعث لها قصي عملت ايه؟ فبصرت به يعني ايه الجنب وهي قاعدة بس كده وقاعدة عمال تتبعه كده من بعيد وماشي طب بنت بنت واخوها رضيع ماشي في الماية. المفترض تمشي عاملة ازاي - 00:26:01 المرأة ما تعيط وتبع له وحبيبي وترسم له قلوبنا واي واحد اخويا ومش واول ما راح لهم عملت ايه بكل سبات انفعالي دخلت عليهم وقالت لهم هل ادلکم على اهل بيت - 00:26:19

والتي دمعة ولا في هزة ولا في رعشة ولا في كزا وبتاع والكلام ده كله. بنت في غاية السبات والاتزان وهي ايه بتخترق اعلى جهاز انا ذلك امني. جهاز الفرعون بيت فرعون العمق ده دخلته ازاي - 00:26:37

بنت راسية عندها سبات وام موسى طبعا هي اللي ربته على العمق ده ولما جهزهم بجهازهم لما جهزه بجهازهم قال ائتوني باخ لكم من ابيكم هو اداهم الایه؟ جهز لهم الحاجة - 00:26:56

وهيأهم نفسيا انهم يحبوه يربط لهم امورهم وخدوا الميرة والاكل اهو والدنيا تمام ومش عارف ايه. فقدم اللطف عليهم فاحسن لهم جامد جدا اول ما عمل كده نفسيا هما يستعدوا ان ايه - 00:27:15 ان يحبوه قال لهم مرة واحدة كده ايه قال ائتوني باخ لكم من ابيكم العلماء قالوا هو جاب اخ دية منين؟ من قصتهم والبعض قال لك لا ده هو لما سألهم قالوا له واحنا اخوة ولنا اخوات ومش عارف ايه احنا جينا وبتاع فهو انا عاوز اصدق ان انت فعلنا ايه ولادنا فقال لهم ايه - 00:27:30

باخ لكم من ابيكم. طب ليه ما قال لهمش ائتوني باخيكم دي قلب اخ لكم من ابيكم. فيه فرق هل هناك فرق؟ قال لك اه في فرق لو اقول لهم ائتوني باخيكم - 00:27:52

لو انت عرفت منين ان هو واحد بس احنا بنقول لك اه ان احنا اخوات وبتاع وفي ناس جت وفي ناس ما جتش انت منين انك عرفت؟ فقال لك سببها مفتوحة بيخ لكم من ابيكم وما فيش غيره انا عارفهم - 00:28:09 عشان ما ينكشش امره وكلمة بي اخ لكم من ابيكم فيها اشاره ان يعقوب كان معددا يعقوب كان معددا الناس اللي قاعدة ايه تقول لك زنا وسامحته. ده كان يعدد علي لا - 00:28:22

يعني ايه ده يعني يقول لك ازاي الزانية ولا السانية؟ ده شعار ناس كتير جدا. من اهل الفجور يقول لك زانية ولا سانية يعني يزني اه لكن اتجوز تانية؟ لا - 00:28:44

وده احدي اسباب الفطر اللي انتكتس نسأل الله السلامه قال اتوني باخ لكم من ابيكم الا ترون اني او في الكيل وانا خير المنزلين. انت شفتم الكيل بتاعكم انا اديته لكم ازاي وانا رجل وفي وانا خير المنزلين من النزل الاكرام يعني - 00:28:58 فان لم تأتوني به فلا كيل لكم عندي ولا تقربون. تحسننا لأن في شخصية تانية بتتكلم صح مرة واحدة كده في في جو تاني حصل يعني جهز لهم وربط لهم وبعدين يعني هات اخوك معكم وآآ انت شايفين ان انا عملت معكم ايه والاكرام وبتاع والكلام ده كله - 00:29:23

ده اسلوب كله ايه؟ ترغيب. مرة وحد اسلوب الترهيب لو ما جاش ده انت مش هتاخذ بس ده انت مش هتقرب من البلد دي تاني ده رعب اولا احنا جعانيين والبلد كلها عاوزة اكل - 00:29:46

وازا كان اللي بيقول لده ده اعلى شخصية فين في المكان وهم مش عارفين ليه نفعل كده وقال كده احيانا الشخص اللي قدامك  
يبقى محتاج انك تدي له الاسلوبين. فيه ناس تيجي بالترغيب. ما هو يمكن الحداشر دول العشرة دول في ناس منهم تلين بالترغيب.  
يا اخي - 00:30:05

بس شفت شفت وهو بيقدم لنا الحاجة. ده خلاص كده ده ساح. ده هيدينوا معي طول الخط. وفيه واحد تاني يقول لك ايه؟ وايه  
يعني لا ده لازم ياخد الوش الثاني - 00:30:23

لازم ده هو المنطقى ده الشخص المنطقي ده لازم ياخد وش خلي بالك احنا هنخسر ايه لا في ميرا ولا هنقرب من البلد دي فان لم  
تأتونى به فلا كيل لكم عندي. ولذلك مهم جدا ان المربى يكون فيه عنده حزم - 00:30:34  
دليل خالص قصوا في اتنين يطلعوا نفس المخرجات اللي هي ايه شخصية فاسدة تربويا الولد يطلع جيل من ايه؟ فاسد الليين خالص  
والحازم خالص. الاتيين منتجاتهم ايه مش سالكة ولذلك ايه التربية تكون ايه؟ الحزم فيه لين - 00:30:51

ولين فيه حزم اه لين بس في حزم وحزب في لين مش على طول اصل انا حازم يعني انت حازم بقى مطلع الحزام ومربط الدنيا كلها  
في البيت. ليه يعني اصل اسم حازم - 00:31:15

لأ الدنيا مش هتمشي كده انت ممكن تبقى اسمك حازم وما فيش حزام في البيت والدنيا ماشية وهناش يوسف كان شخصية بيبين  
لنا ازاي انك تجمع بين الاتنين فان لم تأتونى به - 00:31:29

فلا كيل لكم عندي ولا تقربيون. رحمة الله على الشيخ الشعراوي كان يقول لك القرار لو من فاسك لو الاكل من فاسك يبقى القرار من  
راسك هو يوسف دلوقتي بيلعب على ايه؟ انا اللي باديكم - 00:31:44

فطول ما انت محتاج لغيرك ستنزل دايما مش عارف تأخذ قرار واحد ما بيشتغلش والده بيصرف عليه ووالدته عايشة فيجي يعمل اي  
حاجة وديته له على فكرة انتم اتأخروا توصل. بعد كده الساعة حداشر احنا هنقول البوابة - 00:32:02

دي حجة انا عندي واد في سانوي لعيوب الكبير دايما طلاما المال طعامك ليس من راسك من فاسك عمرك ما هتعرف تأخذ قرار من  
راسك وحتى في الدول تلاقي واحد نعمل حاجات ومش عارف ايه وهنكسر الدنيا وبتاع - 00:32:23

بيجي مساعد السفير لبلد ما بيجي يزوره كده يقول لك ايه آآ نعتذر عن البيان اللي اتقال امبراح ما كانش معه بصورة والنور اصلا هو  
اصلا ده كان بيان قديم اصلا - 00:32:47

تلaci الدنيا ودولة كبيرة انت بتشفوفوا النهاردة بعض بعض الدول الكبيرة جدا وقاعد يقول لك ايه والدولة دي معه فلوس كتير تدينا  
مش وقاعد كل يوم يحط عليهم وفي العلن - 00:32:59

يعني هو اصلا عامل ايه؟ عامل لنفسه هدف ان هو هيذكرهم عشرين مرة في الشهر كل يوم يتكلم يتكلم وحد بيبرد؟ لا ليه ما خلاص  
بقى قرار مش من راسنا - 00:33:14

هو دي افة الامة الاسلامية دلوقتي كده ان كلنا الا من رحم ربنا. حتى الخير بتاعنا مش بتاعنا ما انت اخرك تطلع لي البترول وتوصله  
لي لأ ده هتطلعه وتاخده كمان مش كفاية ان انا سبتك تطلعه - 00:33:27

يا سبحان الله نسأل الله ان يوقز هذه الامة فهنا يوسف يعلم جيدا انه يتحكم حاليا بقوت هؤلاء فسيتحكم في توجيههم بس يوسف  
استعملها في الخير زي ما انت بتتحكم في ابنك تقول له ايه؟ انا مش هجيب لك الایه الهدايا دي. الا لو عملت كذا. انت متحكم في  
الخير اهو - 00:33:42

لكن ابنك اول ما يشتغل في التصميم والشهر بالف وبتاع تيجي تقول له مش هتجيب لك يقول لها ايه؟ عادي وده احدي الافات اللي  
الزوجة لما بتشتغل وتدخل فلوس مرة واحدة كده تقول لك ايه؟ تقول لها بس انا المسئول تقول له ايه؟ وانا معك - 00:34:08

طب ما تعليش صوتك يعني احنا ان شاء الله انت مسؤولة وبتاع ايه اللي مش معنى كده ان انا بقول ان الشغل غلط انا بس بدي ايه  
جزء من المهم خلي بالك منه نفسي - 00:34:27

ان البنـت عمـالة بـتشـغل بـتحـسـ انـ الزـوج هوـ كانـ قـائـم عـلـيـ لـيهـ؟ وـلـيهـ القـوـامـة لـيهـ؟ لـانـهـ الليـ بـيـصـرفـ صـحـ خـلاـصـ بـقـيـناـ اـيهـ كـفـرـسيـ

رهان انت بتصرف وانا بصرف فانت تاخذ قرار مع مي وانا اخذ مع شيماء - [00:34:37](#)  
نوزع بقى البيت انت تاخذ وما ياخذ. انت تقول قرار وانا اقول قرار فهنا يوسف قال فلا تقفا ولا تقربون. فايه اللي هيحصل قالوا له سنراود عنده اباها. لا لا لا الموضوع ده ان شاء الله هنخلصه - [00:34:56](#)

سنراود والمراودة هو الاحتيال للايه؟ حتى يقتنع من امامك. وانت واخدين بالكم كلمة المراودة والمادة دي معنا في الصورة كتير. زي مادة ايه؟ ائتونني به. فيه كلام كده يتكرر فيه من خصائص السورة - [00:35:11](#)

ودي من جمال القرآن لا يجعلك ان فيه وحشة وانت بترأ. انت خلاص انا قلت لك المراودة اه. طب اللفظ ده هيجيبيه لك كتير بس في اماكن ايه؟ في معاني كتير - [00:35:27](#)

عشان انت تحس كده ايه ان الصورة وكأنها ايه عارف كده الجنينة دي كلها مانجة فما تحسش كده بمروحة في حاجة تفاح طالع تحس حاجة غريبة كده لا يخليها لك كلها مانجة - [00:35:38](#)

قالوا سنراود عنه اباه. هو شيء صعب ورواد ديع عاوزة رايح جاي وتلطف وبتاع واقناع بس هتتيجي تنراود عنه ابا. والله الله يكون في عون قلب يعقوب يا ابني انت عاوز ايه من ابوك - [00:35:49](#)

كل شوية هنروح نقول لابوه وبتاع ترويع قلب مرة اخرى سنراود عنه اباه وانا لفاعلون تأكيد عالي جدا انهم هي عملوا ايه هزا الامر وده نستفيد منه ان الاولاد الله بسبب عاطفة الابوة وحب الاب لهم - [00:36:05](#)

من الضغط على طول الاب بيهم بيوافق وهذا باب كثير من الشباب لا ينتبه له ما بيأخذش بالله من عاطفة ابوه قد ايه تجاهه. شوفوا نوح باخر رقم ربنا يقول ايه؟ حال بينهما ايه - [00:36:29](#)

ال بينهما الموت طيب ليه الموت قالوا ان الله يعلم ان من قلب الاب لا يستطيع ان يرى غرق ابنه فقال لأنت مش هتشوفه وهو بيغرق. انت هتشوف بس الموج وانت بقى تخيل ان هو يكون غرق. لكن منز الغرق مش هوريه لك - [00:36:49](#)

لان قلبك لن يتحمله سبحانه الله نسأل الله عز وجل ان يؤدبنا بكلامه ويرزقنا واياكم العلم النافع والعمل الصالح اقول قولي هذا واستغفر الله لي ولكم - [00:37:09](#)